

Na osnovu člana 12. Zakona o udruženjima i fondacijama (Sl. novine Federacije BiH br. 45/02) Osnivačka skupština „Udruženja poslodavaca hemije i nemetala“ održana u Tuzli dana 30.03.2006. god. **d o n o s i**

S T A T U T

UDRUŽENJA POSLODAVACA HEMIJE I NEMETALA

I OPĆE ODREDBE

Član 1.

Ovim Statutom utvrđuje se: naziv i sjedište udruženja, ciljevi i djelatnost udruženja, zastupanje i predstavljanje udruženja, organe udruženja, njihove ovlasti, način imenovanja i opoziva, trajanje mandata, kvorum i pravila glasanja, uključujući i pitanja o kojima se odlučuje kvalificiranom većinom, funkciju lica ovlaštenog da saziva skupštinu; oblik i sadržaj pečata udruženja, sticanje i raspolaganje imovinom, način donošenja finansijskog izvještaja i izvještaja o radu, postupak za donošenje statuta, izmjena i dopuna statuta i drugih općih akata udruženja, uvjete i način učlanjenja, prestanak članstva, kao i prava i dužnosti i odgovornost članova udruženja, uvjete i postupak za pripajanje, razdvajanje, transformaciju ili prestanak rada udruženja i pravila za raspodjelu preostale imovine u slučaju prestanka udruženja.

II NAZIV I SJEDIŠTE

Član 2.

Naziv Udruženja glasi: "Udruženje poslodavaca hemije i nemetala".
Skraćeni naziv Udruženja glasi: "Udruženje poslodavaca HiN".

Član 3.

Udruženje djeluje na prostoru Federacije Bosne i Hercegovine.
Sjedište Udruženja poslodavaca hemije i nemetala (u daljem tekstu: Udruženje) je na adresi: Tuzla, DITA d.d. Husinskih rudara bb.

III PEČAT

Član 4.

Udruženje ima pečat okruglog oblika, promjera 4 cm, u čijem je krugu ispisan tekst :
BOSNA I HERCEGOVINA – FEDERACIJA BOSNE I HERCEGOVINE
"Udruženje poslodavaca hemije i nemetala".

IV. CILJEVI I DJELATNOST UDRUŽENJA

Član 5.

Udruženje je osnovano radi ostvarivanja slijedećih osnovnih ciljeva:

- predstavljanje i zastupanje interesa članova u odnosima sa sindikatima i vladom;
- ostvarivanje utjecaja na poboljšanje i razvoj poslovnog i makroekonomskog okruženja;

- pružanje stručne pomoći i podrške članovima u različitim oblastima i djelatnostima (porezi, pravna pitanja, socijalna politika);
- poboljšanje konkurentnosti preduzeća za utakmicu na domaćem i inozemnom tržištu;
- suradnja sa istim ili srodnim domaćim, kao i inozemnim međunarodnim udruženjima i institucijama, kao i ostvarivanje drugih interesa poslodavaca u oblasti ekonomske, porezne i politike zapošljavanja.

Član 6.

Djelatnosti Udruženja su:

- da štiti interese poslodavaca i privrede, osobito u području uređivanja uvjeta poslovanja, radnog i socijalnog zakonodavstva, odnosa sa tijelima državne vlasti i sindikatom, kolektivnom pregovaranju i sklapanju kolektivnih ugovora, radnim sporovima, te drugim pitanjima važnim za privredni i socijalni položaj poslodavaca;
- da štiti i inicira zakonske interese privrede, da informira javnost, nadležne organe vlasti u FBiH o potrebama i interesima članova koje su se pojavile u praksi, da poduzmu neophodne korake kako bi eliminirali moguće postupke, administrativne mjere i donošenje propisa koji bi mogle biti protivni interesima članova Udruženja,
- da podstiče privrednike da predlože neophodne zakonske, socijalne i administrativne mjere za jačanje, održavanje i sistematično razvijanje privrede,
- da podrži efikasnost privrede, izvozne inicijative i aktivnosti na poboljšanju standarda i kvaliteta rada i življenja,
- da daje savjete o privrednim problemima nadležnim organima vlasti kao i članovima Udruženja, na svoju inicijativu ili po zahtjevu,
- da prati i organizira profesionalnu edukaciju za svoje članstvo,
- da razvija i podržava razvoj specifičnih naučno-istraživačkih projekata,
- da bude u stalnom kontaktu sa drugim strukovnim udruženjima iz zemlje i inozemstva, sa osobama zaduženim za predstavljanje različitih ekonomskih interesa poduzimajući zajedničke akcije u problemima od općeg interesa ili onih koji su od naročitog interesa za privredu i interese članova,
- da pažljivo prati sve činjenice koje se tiču ekonomskog života zemlje, da organizuje rasprave o istim radi definisanja zajedničkog stava prema njima,
- da bude u kontaktu sa sličnim organizacijama iz inozemstva putem razmjene informacija i na druge načine,
- da skupi i koordinira statističke podatke i neophodnu dokumentaciju da bi mogli da informiraju nadležne organe vlasti i javnost o aktuелnoj situaciji u ovoj grani privrede,,
- da inicira izradu zakona i normativnih akata.

V. ZASTUPANJE I PREDSTAVLJANJE

Član 7.

Predsjednik i podpredsjednik Upravnog odbora predstavljaju i zastupaju Udruženje poslodavaca hemije i metala.

VI. ČLANSTVO UDRUŽENJA

Član 8.

Članstvo u Udruženje je dobrovoljno.

Član Udruženja može biti državljanin Bosne i Hercegovine, strano lice koje ima stalni ili privremeni boravak u Bosni i Hercegovini, ili pravno lice koje dobrovoljno pristupi na način propisan ovim Statutom.

Udruženje može imati i počasne članove o čemu odlučuje Skupština Udruženja.

Član 9.

Da bi se postalo članom Udruženja potrebna je:

- popuna pristupnice,
- uvrštavanje člana u listu članova Udruženja,
- izdavanje članske iskaznice,
- uplata članarine prema Odluci Skupštine Udruženja.

Člansku iskaznicu izdaje sekretar ili predsjednik Upravnog odbora nakon izvršene uplate članarine, a ista služi kao dokaz članstva u udruženju prilikom korištenja ugovornih usluga za članove po bonitetnim cijenama.

Član 10.

Iznos i način plaćanja članarine utvrđuje Skupština Udruženja za svaku poslovnu godinu donošenjem posebne odluke o visini članarine za pojedinačne i kolektivne članove.

Članarina se može uplatiti i u većem iznosu od iznosa propisanog odlukom o članarini.

Član 11.

Član može odustati od članstva u Udruženje u bilo koje vrijeme, tako što će Upravnom odboru dati pismenu obavijest o svojoj namjeri da istupi.

Članstvo prestaje istekom narednog kalendarskog mjeseca po prijemu obavijesti o istupanju.

Ako bilo koji član ne plati godišnju članarinu ni nakon 60 dana po isteku roka za plaćanje, bit će pismenim putem pozvan da plati članarinu.

Ako član ne plati članarinu ni po isteku roka od 6 mjeseci, prestaje mu članstvo u Udruženju.

Upravni odbor može donijeti odluku o isključivanju člana koji grubo krši Statut ili svojim postupcima nanosi štetu ostvarivanju osnovnih ciljeva i ugleda Udruženja.

Svi članovi imaju pravo da učestvuju u aktivnostima Udruženja radi ostvarivanja osnovnih ciljeva, da biraju i budu birani u organe Udruženja i da ostvaruje druga prava i obaveze u skladu sa ovim Statutom i drugim općim aktima.

Član 12.

Prava članova:

- povlastice na temelju kolektivnog članstva u raznim organizacijama i prilikom organiziranih aranžmana s trgovinskim, bankarskim, konsultantskim, turističko-ugostiteljskim i drugim poduzećima i institucijama;

- pravo na sudjelovanje u organiziranim formama funkcionalnog obrazovanja i osposobljavanja poslovnih radnika;
- da bira i bude biran u organe Udruženja;
- da bude zastupan u kolektivnom pregovaranju i zaključivanju kolektivnih ugovora;
- zaštita i savjeti u svim pitanjima koja su u skladu sa ciljevima i djelatnošću Udruženja;
- da organima Udruženja daje prijedloge i mišljenja u vezi sa radom Udruženja;
- da bude informiran o radu Udruženja.

Član 13.

Obaveze člana su:

- da aktivno sudjeluju u radu Udruženja;
- da se pridržava Statutom utvrđenih prava i obaveza članova;
- da moralno i na drugi način podupire djelatnosti i ugled Udruženja;
- poštivanje dogovorenih profesionalnih standarda i Kodeksa profesionalne etike.

VII. ORGANI UDRUŽENJA I ODLUČIVANJE U UDRUŽENJU

Član 14.

Organi Udruženja su:

- Skupština,
- Upravni odbor - organ upravljanja.

Skupština

Član 15.

Skupština je najviši organ Udruženja koja zasjeda prema potrebi, a najmanje jedanput godišnje.

Skupštinu saziva predsjednik Skupštine Udruženja ili u njegovom odsustvu zamjenik Skupštine Udruženja, a može se sazvati i na poziv 1/3 članova udruženja, kao i na poziv većine članova Upravnog odbora Udruženja

U slučajevima iz prethodnog stavka Skupštinom može rukovoditi predlagач ukoliko su predsjednik ili zamjenik Skupštine spriječeni.

Skupština odlučuje punovažno ako je na sjednici prisutno više od polovine članova.

Odluke Skupštine su punovažne ako se za njih izjasni više od polovine prisutnih članova.

Član 16.

Skupštinu čine svi članovi.

Predsjednika i zamjenika predsjednika Skupštine Udruženja bira Skupština natpolovičnom većinom glasova prisutnih članova na period od jedne godine, s tim da mogu biti ponovno izabrani.

Član 17.

Skupština Udruženja ima slijedeće ovlasti:

- Donosi Statut Udruženja ,izmjene i dopune Statuta i druge akte određene Statutom;

- Daje saglasnost na pravne radnje poduzete u postupku osnivanja udruženja,
- Bira i i opoziva članove Upravnog odbora ili, ukoliko statutom upravni odbor nije predviđen kao poseban organ, imenuje i opoziva lice ovlašteno za zastupanje i predstavljanje udruženja;
- Usvaja izvještaje koje je pripremio Upravni odbor ili lice ovlašteno za zastupanje i predstavljanje;
- Odlučuje o udruživanju u saveze, pripajanju, razdvajanju, transformaciji, prestanku rada i drugim statusnim pitanjima udruženja;
- Usvaja financijski plan, završni račun i program rada;
- Odlučuje o visini i načinu plaćanja članarine;
- Odlučuje o godišnjoj reviziji po izvještaju revizora;
- Predlaže počasne članove Udruženja;
- Odlučuje o svim drugim pitanjima koja nisu u nadležnosti drugog organa.

Član 18.

O radu Skupštine vodi se zapisnik.

Skupština će donijeti Poslovnik kojim se bliže regulira način rada Skupštine i odlučivanja na sjednicama.

Član 19.

Svi članovi imaju prava glasa, sjednice Skupštine su javne, a odluke se donose većinom glasova prisutnih članova javnim izjašnjavanjem, u skladu s Poslovnikom.

Upravni odbor

Član 20.

Upravni odbor je organ upravljanja i operativni organ Udruženja zadužen da provodi sve aktivnosti Udruženja u skladu sa programom, financijskom planu i odlukama Skupštine.

Član 21.

Upravni odbor broji 3 člana.

Članove Upravnog odbora imenuje Skupština Udruženja poslodavaca hemije i nemetala, koja svojom odlukom o imenovanju istovremeno imenuje i zamjenike za svakog člana Upravnog odbora.

Članovi Upravnog odbora i njihovi zamjenici se biraju na period od četiri (4) godine sa mogućnošću ponovnog izbora.

Rad Upravnog odbora na sjednicama se reguliše Poslovnikom o radu Upravnog odbora.

Predsjednik Upravnog odbora ima slijedeće ovlasti:

- rukovodi radom Upravnog odbora u skladu sa Poslovnikom,
- predstavlja i zastupa Udruženje i odgovoran je za zakonitost poslovanja Udruženja,
- izvršava i druge poslove koje mu povjeri Upravni odbor i Skupština,
- rukovodi i odgovoran je za materijalno finansijsko poslovanje.

Član 22.

Upravni odbora obavlja slijedeće poslove:

- priprema sjednice Skupštine ;
- priprema i predlaže nacrt izmjena Statuta i drugih akata koje donosi Skupština;

- provodi politiku, zaključke i druge odluke koje je donijela Skupština;
- upravlja imovinom udruženja;
- podnosi godišnje ili periodične izvještaje o svom radu Skupštini na usvajanje;
- donosi odluke o nagradama i priznanjima;
- odlučuje o nabavi, prodaji i otpisivanju vrijednosti osnovnih sredstava;
- osniva stalna i privremena radna tijela;
- imenuje sekretara Udruženja;
- obavlja i druge poslove koje mu povjeri Skupština ili koji su drugim propisima stavljeni u njegovu nadležnost;
- u skladu sa politikom Skupštine definira zajedničke interese članova i određuje načine zastupanja i ostvarivanja ovih interesa;
- vrši druge poslove određene Statutom.

Član 23.

Upravni odbor odlučuje punovažno ako je na sjednici prisutno više od polovine svih članova.

Odluke iz nadležnosti Upravnog odbora po pravilu se donose konsenzusom, a ako nije postignut konsenzus odluke se donose običnom većinom glasova svih članova.

Član 24.

Poslove organizovanja sjednica, praćenja propisa, koordinaciju među članicama Udruženja, poslove informisanja, priprema prijedloge svih dokumenata o kojima odlučuju organi Udruženja, izvještaja o poslovnim aktivnostima i administrativno tehničke poslove, obavlja sekretar Udruženja koga imenuje Upravni odbor na period od 4 godine.

Član 25.

Sekretar Udruženja svoje poslove po pravilu, obavlja volonterski, ali se na osnovu obima poslova može odobriti nadoknada po odluci Upravnog odbora Udruženja, a na prijedlog predsjednika.

Član 26.

Mandat predsjednika i podpredsjednik te članova Upravnog odbora može prestati i prije isteka vremena na koje su izabrani odnosno imenovani:

- ponošenjem ostavke;
- opozivom od strane nadležnog organa.

VIII. ORGANIZACIJA

Član 27.

Programske aktivnosti i zasebne projekte Udruženje će obavljati i posredstvom radnih grupa, kao drugih oblika djelovanja koji se mogu organizirati shodno potrebama i interesima članstva.

IX. FINANCIRANJE I IZVJEŠTAVANJE O FINANSIJSKOM POSLOVANJU

Član 28.

Imovinu udruženja čini:

- prihodi od članarina;
- dobrovoljni prilazi i pokloni fizičkih i pravnih lica;
- sredstva dodijeljena iz budžeta;
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
- prihodi stečeni obavljanjem privredne djelatnosti;
- drugi prihodi stečeni u skladu sa Zakonom i Statutom.

Član 29.

Odluke o приходима i rashodima donosi Upravni odbor Udruženja, u skladu s financijskim planom i programom rada Udruženja.

Materijalno-financijsko poslovanje Udruženja vodi se po važećim zakonskim propisima.

Upravni odbor može donijeti pravilnike i druge opće akte kojima bliže uređuje način stjecanja i raspoređivanja sredstava i drugih pitanja od interesa za rad Udruženja.

Sve financijske izvještaje i izvještaje o radu usvaja Skupština udruženja na način utvrđen članom 15. ovog Statuta.

X. INFORMIRANJE I KOMUNICIRANJE

Član 30.

Rad svih organa Udruženja je javan. O stavovima, zaključcima i poslovnim odlukama članstvo se redovito informira putem cirkularnih obavijesti koje svaki član dobiva na svoju adresu.

Član 31.

Svaki član ima pravo da, na svoj usmeni ili pismeni upit u pogledu bilo kojeg pitanja iz rada organa Udruženja, primi odgovor u traženoj formi i u najkraćem mogućem roku.

XI. PRIJELAZNE I ZAVRŠNE ODREDBE

Član 32.

Prestanak rada Udruženja može nastupiti u slijedećim okolnostima:

- na osnovu odluke Skupštine Udruženja o prestanku rada ili odluke o pripajanju, razdvajanju ili transformaciji udruženja;
- ako su ispunjeni uvjeti iz člana 9. stav 4. Zakona ili ako se utvrdi da je udruženje prestalo djelovati s hodno odredbama člana 43. stav. 2 Zakona.

Član 33.

U slučaju prestanka rada Udruženja, imovina Udruženja raspoređuje se u skladu sa odredbama člana 46. Zakona.

Član 34.

U slučaju prestanka Udruženja Upravni odbor će postaviti jednog ili više likvidatora.

Član 35.

Promjene ovog Statuta provode se istovjetnim postupkom njegovog donošenja, a na osnovu inicijative članstva ili organa Udruženja.

Član 36.

Statut, odluku o izmjenama i dopunama Statuta i druge opće akte potpisuje predsjednik Skupštine Udruženja ili u njegovu odsustvu zamjenik.

Član 37.

Ovaj Statut stupa na snagu danom donošenja na Osnivačkoj Skupštini udruženja.

Tuzla, 30.03.2006. god.

Predsjedavajući Skupštine

Huremović Vejsil

Huremović Vejsil, dipl.prav.